

vertice sat lato, immarginato; capite ab antico viso latitudini cum oculis aequae longo (σ^7) vel hac fere nonnihil longiore (φ), loris rectis, a latere viso altitudine multo brevior, fronte fortiter declivi, vix convexo, clypeo a fronte parum discreto, leviter arcuato, margine antico valde declivi sed haud perpendiculari, angulo faciali acuto, loris inferne haud discretis, genis sat altis, gula leviter obliqua, sat longa, peristomio solum paullo brevior; oculis mediocribus, exsertis, laevibus, orbita interiore versus apicem leviter divergentibus et late sinuatis; rostro basin coxarum intermediarum attingente, articulo primo medium xyphi prosterni attingente; antennis paullo supra apicem oculorum interne insertis, gracilibus; pronoto leviter transverso, apice quam basi circiter dimidio angustiore, strictura apicali crassa, lateribus pone stricturam rectis, obtusis, callis strictura parum longioribus, disco postico versus apicem sat convexo-declivi, margine basali versus latera rotundato, medio truncato vel subsinuato; scutello pronoto brevior, basi detecto; hemielytris abdomen sat longe superantibus, lateribus mox pone medium corii subito fortius dilatato-arcuatis, vena clavi elevata, clavo extra venam sat declivi, commissura clavi scutello paullo longior, cuneo latitudine basali paullo longior, membrana biareolata, areola majore elongata, interne apice acutangulata; areola alarum hamo valido a vena decurrente longius remoto; xypho prosterni lateribus marginato; metastethio solum rima vel sulco brevi transversali inter coxas intermedias et posticas instructo; coxis anticis medium mesosterni haud attingentibus, posticis ab epipleuris hemielytrorum longe remotis; pedibus pilosis; tarsis posticis articulo primo secundo solum paullo longior et crassior.

A genere *Platytyllo* Reut. capite nonnihil nutante nec verticali, fronte vix convexa, clypeo basi a fronte parum discreto, angulo faciali acuto, gula sat longa, rostro brevi, hemielytris postice dilatatis, tarsis posticis articulo secundo primo solum paullo brevior distinguendum.

Opistheuria latipennis Stål.

Orizaba, d. 5 Maji et m. Junii; Marco, m. Februarii.

Oncerometopus rectanguliferus n. sp. Cinnabarinus, superne leviter nitidulus, glaber, clypeo, fronte verticeque nigricantibus, vittula media frontis marginibusque verticis ad oculum obscure cinnabarinis; pronoto partibus $\frac{2}{4}$ mediis vittam latissimam percurrentem parallelam formantibus, scutello, clavo, quarta parte basali excepta, corio commissura suturaque membranae, cuneo, membrana, mesosterno, segmentis genitalibus feminae circa terebram, rostro, articulo primo excepto, antennis pedibusque cum coxis nigris. φ . Long. 5— $5\frac{2}{3}$, lat. 2 mm.

Guadalupe in montibus m. Julii.

Div. *Pilophoraria* m.

Pappus insignis Dist.

Cornu Vacca.

Positio systematica hujus generis incerta est, areola alarum aroliaque unguiculorum speciminis unici in museo asservati a me haud examinata sunt.

Div. *Laboparia* m.

Halticus nigricornis n. sp. Niger, nitidus, marginibus verticis utrinque ad oculos anguste flavo-testaceis; antennis nigris (articuli ultimi desunt), articulo primo basi flavo-testaceo; rostro flavo-testaceo, articulo ultimo piceo-nigro; femoribus cum coxis